



儀禮經傳續卷第二十三

地示

祭禮七

天子祭天地歲徧曲禮○大宗伯以黃琮禮地牲幣

放其器之色○典瑞兩圭有邸以祀地旅四望饗○

玉人兩圭五寸有邸以祀地終○祭地瘞埋於泰折

用駢犢滌制○牛角爾栗○大宰祀大示則掌百官

之誓戒與其具脩前期十日師執事而卜日遂戒及

執事天○大宗伯祭大示師執事而卜日宿天滌濯

之事天○大宗伯祭大示師執事而卜日宿天滌濯

涖玉鬯省牲鑊奉玉盥詔大號治其大禮詔相王之

大禮若王不與祭祀則攝位官○凡以神仕者掌三

儀禮經傳續卷第二十三

辰之法以猶鬼神示之居辨其名物以夏日至致地
示物彫垺○大祝辨六號三曰示號凡祭示則執明
水火而號祝隨饗逆牲逆尸令鐘鼓右亦如之來瞽
令臯舞相尸禮既祭令徹垺○大司樂以六律六同
五聲八音六舞大合樂以致鬼神示疏視○乃分樂
而序之以祭以享以祀疏視乃奏大簇歌應鍾舞咸
池以祭地示○一變而致羽物及川澤之示再變而
致羸物及山林之示三變而致鱗物及丘陵之示四
變而致毛物及墳衍之示五變而致介物及土示六
變而致象物及天神○函鍾為宮太簇為角姑洗為
商南呂為羽靈鼓靈鼗孫竹之管空桑之琴瑟咸池

之舞夏日至於澤中之方丘奏之若樂八變則九示
皆出可得而禮矣垺

右地示之祭○辭薄薄之士承天之神興甘風雨
庶卉百穀莫不茂者既安且寧維予一人某敬拜
下土之靈大戴公冠

小司徒凡建邦國立其社稷地○小宗伯掌建國之
神位右社稷左宗廟饗○匠人營國左祖右社終○
王為羣姓立社曰大社王自為立社曰王社諸侯為
百姓立社曰國社諸侯自為立社曰侯社大夫以下
成羣立社曰置社終○封入掌設王之社壇為畿封
而樹之凡封國設其社稷之壇封其四疆造都邑之



原件短缺

P3-P4

封域者亦如之令社稷之職地○大司徒設其社稷
之壇而樹之田主各以其野之所宜木遂以名其社
與其野地○天子大社必受霜露風雨特○小子
掌珥于社稷官春社明堂○社祭土日用甲特○
若南鄉於北墉下特○司服王祭社稷則希冕特○
○天子祭社稷皆大牢諸侯祭社稷皆少牢王制○大
宗伯以血祭社稷特○大司馬中春教振旅遂以蒐
田獻禽以祭社特○管人掌共秬鬯而飾之凡祭祀
社壇用大壘特○鼓人以靈鼓鼓社祭地舞師教恢
舞帥而舞社稷之祭祀地○肆師社之日涖卜來歲
之稼特○喪國之社屋之薄社地比備特○喪祝掌

司命曰中雷曰國門曰國行曰公厲諸侯自為立五
祀大夫立三祀曰族厲曰門曰行適士立二祀曰門
曰行庶士庶人立一祀或立戶或立竈特○小子掌
祈于五祀特○天子諸侯大夫祭五祀歲徧見祭
下○春祀戶祭先脾夏祀竈祭先肺中央祀中雷祭
先心秋祀門祭先肝冬祀行祭先腎特○孟冬臘五
祀神祈年○大宗伯以血祭祭五祀特○司服祭
五祀則希冕同○司門凡歲時之門受其餘地
右立祀○蔡墨曰五行之官是謂五官實列受氏
姓封為上公祀為貴神社稷五祀是尊是奉木正
曰句芒火正曰祝融金正曰蓐收水正曰玄冥土

正曰后土獻子曰社稷五祀誰氏之五官也對曰
少皞氏有四叔曰重該曰脩曰熙實能金木及水
使重為句芒該為蓐收脩及熙為玄冥世不失職
遂濟窮桑此其三祀也顓頊氏有子犁為祝融共
工氏有子曰句龍為后土此其二祀也后土為社
稷田正也有烈山氏之子曰柱為稷自夏以上祀
之周棄亦為稷自商以來祀之春秋左氏傳祭五祀天
子諸侯以牛卿大夫以羊一說戶以羊竈以雉中
雷以豚門以犬井以豕或曰中雷用牛餘不得用
豚井以魚通白虎○天子祭五祀執薦者百人侍西
房論子○王孫賈問曰與其媚於奧寧媚於竈何

謂也子曰不然獲罪於天無所禱也論語○天子
崩未殯五祀之祭不行既殯而祭其祭也尸入三
飯不侑醕不酢而已矣自啓至于反哭五祀之祭
不行已葬而祭祀畢獻而已問子
小宗伯兆四望於四郊春官○玉人之事兩圭五寸有
邸以旅四望於○司服祀四望則毳冕諸大司樂奏
姑洗歌南呂舞大磬以祀四望同○牧人望祀各以
其方之色牲毛之地○男巫掌望祀望衍授號旁招
以茅諸

右四望○傳僖公三十一年夏四月四卜郊不從
乃免牲猶三望左氏曰非禮也望郊之屬也不郊

亦無望可也

祀天神郊

○公羊子曰天子祭天諸侯

祭土天子有方望之事無所不通諸侯山川有不

在其封內者則不祭也望者何望祭也然則曷祭

祭泰山河海曷為祭泰山河海山川有能潤于百

里者天子秩而祭之觸石而出膚寸而合不崇朝

而徧雨平天下者唯泰山爾河海潤于千里猶者

何通可以已也何以書譏不郊而望祭也視天○

三正記曰郊後必有望○楚昭王有疾卜曰河為

崇大夫請祭諸郊王曰三代命祀祭不越望江漢

睢漳楚之望也病禱疾禍福之至不是過也不穀

雖不德河非所獲罪也遂弗祭春秋左○韓宣子

謂子產曰寡君寢疾並走羣望

春秋左

○成

諸侯于岐陽岐陽之陽楚為荆繼置茅絕設望表

與鮮卑守燎禮記

小宗伯兆山川丘陵墳衍各因其方禮○山虞若祭

山林則為主而修除且禱禮○典瑞璋邸射以祀山

川禮○玉人璋邸射素功以祀山川禮○司服祀山

川則毳冕禮○大宗伯以血祭祭五嶽以狸沈祭山

林川澤禮○鬯人掌供秬鬯而飾之凡山川用蜃禮

○大司樂奏蕤賓禮○大司馬以祭山川禮○舞

師掌教兵舞帥而舞山川之祭祀禮○孟春命祀山

林川澤犧牲毋用牝禮○仲冬天子命有司祈祀四

海大川名源淵澤并泉領○季冬乃畢山川之祀領
 ○天子祭天下名山大川五嶽視三公四瀆視諸侯
 其餘山川視伯小者視子男諸侯祭名山大川之在
 其地者註燔鬻○天子諸侯祭山川歲徧曲禮
 右山川○記五嶽者何謂也泰山東嶽也霍山南
 嶽也華山西嶽也常山北嶽也嵩高山中嶽也五
 嶽何以視三公能大布雲雨焉能大斂雲雨焉雲
 觸石而出膚寸而合不崇朝而雨天下施德博大
 故視三公也四瀆者何謂也江河淮濟也四瀆何
 以視諸侯能滂滌垢濁焉能適百川於海焉能出
 雲雨千里焉為施甚大故視諸侯也山川何以視

男也注出物焉能潤澤物焉能生雲雨為恩多
 然品類以百數故視子男也書曰禋于六宗望秩
 于山川徧于羣神矣禮○三王之祭川也皆先河
 而後海學○晉人將有事於河必先有事於惡池
 齊人將有事於泰山必先有事於配林禮○周公
 祀泰山召公為尸

儀禮經傳續卷第二十四

百神

祭禮八

先立春三日大史謁之天子曰某日立春盛德在木
 天子乃齊立春之日天子親帥三公九卿諸侯大夫
 以迎春於東郊還反賞公卿諸侯大夫於朝命相布
 德和令行慶施惠下及兆民慶賜遂行毋有不當先
 立夏三日大史謁之天子曰某日立夏盛德在火天
 子乃齊立夏之日天子親帥三公九卿大夫以迎夏
 於南郊還反行賞封諸侯慶賜遂行無不欣說先立
 秋三日大史謁之天子曰某日立秋盛德在金天子
 乃齊立秋之日天子親帥三公九卿諸侯大夫以迎

儀禮卷之四
秋於西郊還反賞軍帥武人於朝先立冬三日大史
謁之天子曰某日立冬盛德在水天子乃齊立冬之
日天子親帥三公九卿大夫以迎冬於北郊還反賞
死事恤孤寡

右迎氣

天子祭四方歲徧諸侯方祀歲徧曲禮○大宗伯以
玉作六器以禮天地四方以青圭禮東方以赤璋禮
南方以白琥禮西方以玄璜禮北方皆有牲幣各放
其器之色譜○四坎壇祭四方灋○舞師教羽舞帥
舞四方之祭祀○壘人掌共柎壘而飾之凡四
用屨凡鬮事用散譜○大宗伯以鬮辜祭四方譜

○季秋天子乃厲飾執弓挾矢以獵命主祠祭禽于
四方

右四方

大司馬中秋教治兵遂以獮田羅幣致禽以祀禘
右禘

小宗伯兆五帝於四郊四類亦如之譜
右四類

司民三年大比以萬民之數詔司寇司寇及孟冬祀
司民之日獻其數于王王拜受之登于天府秋○小
司寇孟冬祀司民獻民數於王王拜受之同○天府
若祭天之司民司祿而獻民數穀數則受而藏之官春

右司民司祿

季春天子乃薦鞠衣于先帝

右先帝

凡始立學者必釋奠于先聖先師及行事必以幣凡釋奠者必有合也有國故則不世文狂王○始立學者既與器用幣然後釋菜不舞不授器乃退儻于東序一獻無介語可也○凡學春官釋奠于其先師秋冬亦如之世文狂王○大胥春入學舍采合舞秋頒學合聲諸○孟春命樂正入學習舞○仲春上丁命樂正習舞釋菜天子乃帥三公九卿諸侯大夫親往視之命○天子視學大昕鼓徵世文狂王眾至然後天子至乃命有

司行事興秩節祭先師先聖焉有司事卒反命始之

祭也適東序釋奠於先老世文狂王

右先聖先師○記大學始教皮弁祭菜○未卜禘

不視學學記

夫司樂凡有道者有德者使教焉死則以為樂祖祭

於瞽宗春諸○祀先賢於西學義○司勳凡有功者銘

書於王之太常祭於大烝司勳詔之頤

右有德有功○盤庚曰古我先王暨乃祖乃父胥

及逸勤予敢動用非罰世選爾勞予不掩爾善茲

予大享于先王爾祖其從與享之作福作災予亦

不敢動用非德書

仲春玄鳥至至之日以大牢祠于高禘天子親往后妃帥九嬪御乃禮天子所御帶以弓韉授以弓矢于高禘之前

右高禘

古者太史順時視土陽瘳憤盈土氣震發農祥晨正日月底于天廟土乃脉發先時九日太史告稷曰自今至于初吉陽氣俱烝土膏其動弗震弗渝脉其滿膏穀乃不殖稷以告王曰史帥陽官以命我司事曰距今九日土其俱動王其祗被監農不易王乃使司徒咸戒公卿百吏庶民司空除壇于籍命農大夫咸戒農用先時五日瞽告有協風至王即齊宮百官御

率各即其齊三日王乃淳濯饗醴及期鬱人薦人薦醴王裸鬯饗醴乃行百吏庶民畢從及籍后稷監之膳夫農正陳藉禮太史贊王王敬從之王耕一墾班三之庶人終于千畝其后稷省功太史監之司徒省民大師監之

右籍田

季春乃為麥祈實頌孟冬天子乃祈來年于天宗大割祠于公社及門閭臘先祖五祀勞農以休息之頌○籥章凡國祈年于田祖歆幽雅擊土鼓以樂田

峻春

右祈麥祈年

天子大蜡八歲十二月合聚萬物而索饗之也主先
雷而祭司雷祭百種以報雷饗農及郵表畷禽獸迎
猶迎虎祭坊與水庸曰土反其宅水歸其壑昆蟲無
非草木歸其澤皮弁素服葛帶榛杖黃衣黃冠而祭
大羅氏天子之掌鳥獸者也諸侯貢屬焉草笠而至
羅氏致鹿與女而詔客告也以戒諸侯曰好田好女
者亡其國天子樹瓜華不飲藏之種也八蜡以記四
方四方年不順成八蜡不通以謹民財也順成之方
其蜡乃通既蜡而收民息已故既蜡君子不興功擲
牲○籥章國祭蜡則嘯嘯頌擊土鼓以息老物饗○
黨正國索鬼神而祭祀則以禮屬民而飲酒于序以

正齒位地

右蜡

大宗伯以鬯辜祭四方百物饗○鼓人凡祭祀百物
之神鼓其舞較舞者地○鬯人掌共秬鬯而飾之凡
鬯事用散

右百物

祭時埋少牢於泰昭祭寒暑相近於坎壇祭○籥章
掌土鼓鼗篥中春書擊土鼓嘯嘯詩以逆暑中秋夜
迎寒亦如之饗

右祭時祭寒暑

仲春天子乃鮮羔開冰

右司寒。○傳昭公四年大雨雹季武子問於申豐曰雹可禦乎對曰聖人在上無雹雖有不為災古者日在北陸而藏冰西陸朝覲而出之其藏冰也深山窮谷固陰沍寒於是乎取之其出之也朝之祿位賓食喪祭於是乎用之其藏之也黑牡秬黍以享司寒其出之也桃弧棘矢以除其災其出入也時食肉之祿冰皆與焉大夫命婦喪浴用冰祭寒而藏之獻羔而啓之公始用之火出而畢賦自命夫命婦至於老疾無不受冰山人取之縣人傳之輿人納之隸人藏之夫冰以風壯而以風出其藏之也周其用之也徧則冬無愆陽夏無伏陰春

無淒風秋無苦雨雷出不震無蓄霜雹癘疾不降民不夭札今藏川池之冰棄而不用風不越而殺雷不發而震雹之為蓄誰能禦之七月之卒章藏冰之道也春秋左氏傳

射人祭侯則為位顛○梓人祭侯之禮以酒醑醢

右侯。○辭曰惟若寧侯毋或若女不寧侯不屬於王所故抗而射女強飲強食詒女曾孫諸侯百福

梓人

司燿凡祭祀則祭燿顛○龜人上春釁龜祭祀先卜

諸

右先火先卜。○傳孔子曰臧文仲安知禮燔紫於

儀禮經傳卷二十四
九
與夫與者老婦之祭也盛於盆尊於瓶禮
天府季冬陳玉以貞來歲之徵惡官

右卜筮

校人春祭馬祖執駒夏祭先牧頒馬攻特秋祭馬社
臧僕冬祭馬走獻馬講馭夫馥○廋人及祭馬祖祭
鬮之先牧鬮○甸祝禱牲禱馬皆掌其祝號諸

右牲馬

黨正及四時之孟月吉日則屬民而讀邦灋以糾戒
之春秋祭禘亦如之凡其黨之祭祀教其禮事掌其
戒禁地○族師凡吉則屬民而讀邦灋春秋祭酺亦
如之甸○肆師若國有大故則令國人祭歲時之祭

亦如之諸

右祭酺

儀禮經傳續卷第二十五

宗廟

祭禮九

君子將營宮室宗廟為先廡庫為次居室為後曲禮

○小宗伯掌建國之神位右社稷左宗廟辨廟祧之

昭穆春官○天子七廟三昭三穆與太祖之廟而七諸

侯五廟二昭二穆與太祖之廟而五大夫三廟一昭

一穆與太祖之廟而三士一廟庶人祭於寢制王○匠

人營國方九里旁三門國中九經九緯經涂九軌左

祖右社面朝後市市朝一夫夏後氏世室堂脩二七

廣四脩一五室三四步四三尺九階四旁兩夾窓白

盛門堂三之二室三之一殷人重屋堂脩七尋堂崇

三尺四阿重屋周人明堂度九尺之筵東西九筵南北七筵堂崇一筵五室凡室二筵室中度以几堂上度以筵宮中度以尋野度以步涂度以軌廟門容大扇七個闈門容小扇叁个終○室有東西廂曰廟無東西廂有室曰寢廟中路謂之唐途謂之陳閉謂之門欄○守祧掌守先王先公之廟祧若將祭祀其廟則有司脩除之其祧則守祧黜聖之調禮○隸僕掌五寢之掃除糞洒之事祭祀脩寢夏禮○仲春乃脩闈扇寢廟畢備翎○有焚其先人之室則三日哭強

右廟制○傳天子不卜處大廟表○凡邑有宗廟

先君之主曰都無曰邑邑曰築都曰城春秋左氏傳○子太叔之廟在道南其寢在道北春秋左氏傳○太廟天子明堂明堂位○山節藻梲復廟重檐刮楹達鄉反坫出尊崇坫康圭疏屏天子之廟飾也明堂位○清廟茅屋昭其儉也春秋左氏傳○莊公二十三年秋丹栢宮楹穀梁子曰天子諸侯黜聖大夫蒼土黃主丹楹非禮也○莊公二十四年春刻栢宮楹穀梁子曰天子之楹斲之斲之加密石焉諸侯之楹斲之斲之大夫斲之士斲本刻楹非正也春秋穀梁傳○國君下齊牛式宗廟曲禮上○庶子之正於公族者公若有出疆之政庶子以公族之無事者守於公

宮正室守太廟諸父守貴宮貴室諸子諸孫守下
 宮下室世子○子貢觀於魯廟之北堂出而問孔
 子曰鄉者賜觀於太廟之北堂吾亦未既輟還復
 瞻允蓋被皆繼邪彼有說邪匠過絕邪孔子曰太
 廟之堂亦嘗有說官致良工因麗節文非無良材
 也蓋曰貴文也荀子○魯公之廟文世室也武公
 之廟武世室也明堂○文公十三年世室屋壞公
 羊子曰世室魯公之廟也周公稱大廟魯公稱世
 室羣公稱宮此魯公之廟也曷為謂之世室世室
 猶世室也世世不毀也周公何以稱大廟于魯封
 魯公以為周公也○穀梁子曰大室屋壞者有壞

道也譏不脩也大室猶世室也周公曰大廟伯人
 曰大室群公曰宮禮宗廟之事君親割夫人親舂
 敬之至也為社稷之主而先君之廟壞極稱之志
 不敬也公羊○成公三年新宮災三日哭公羊
 子曰宣公之宮也曷為謂之新宮不忍言也其言
 三日哭何廟災三日哭禮也○穀梁子曰三日哭
 哀也其哀禮也迫近不敢稱謚恭也其辭恭且哀
 以成公為無譏矣

措之廟立之主曰帝曲禮○七廟五廟無虛主虛主
 者唯天子崩諸侯薨與去其國與祫祭於祖為無主
 天子崩國君薨則祔取群廟之主而藏諸祖廟卒哭

成事而後主各反其廟君去其國大宰取羣廟之主以從祫祭於祖則祝迎四廟之主主出廟入廟必蹕

曾子問

○小史掌邦國之志奠繫世辨昭穆若有事則

詔王之忌諱諱○守祧掌守先王先公之廟祧其遺

衣服藏焉若將祭祀則各以其服授尸既祭則藏其

隋與其服同○天府掌祖廟之守藏與其禁令凡國

之玉鎮大寶器藏焉若有大祭則出而陳之既事藏

之上春釁寶鎮及寶器若遷寶則奉之同○庶子之

正於公族者其在軍則守於公禰世王

右守藏○記凡君薨卒哭而祔祔而作主特祀於

主祭嘗禘於廟秋左○傳文公二年春王二月

丁丑作禧公主公羊子曰作禧公主者何為作

作主也主者曷謂虞主用桑練主用栗用栗者

主也作僖公主何以書譏不時也其不時奈何於

久喪而後不能也○穀梁子曰立主喪主於虞吉

主於練作僖公主譏其後也作主塋廟有時日於

練焉壞廟壞廟之道易檐可也改塗可也○曾子

問曰喪有二孤廟有二主禮與孔子曰天無二日

土無二王嘗禘郊社尊無二上未知其為禮也昔

者齊桓公亟舉兵作僖主以行及反藏諸祖廟廟

有二主自桓公始也曾子問○文公二年八月丁卯

大事于大廟躋僖公左氏曰逆祀也○於是夏父

弗忌為宗伯尊僖公且明見曰吾見新鬼大故鬼
小先大後小順也躋聖賢明也明順禮也君子以
為失禮禮無不順祀國之大事也而逆之可謂禮
乎子雖齊聖不先父食父矣故禹不先鯀湯不先
契文武不先不密宋祖帝乙鄭祖厲王猶上祖也
是以魯頌曰春秋匪解享祀不忒皇皇后帝皇祖
后稷君子曰禮謂其后稷親而先帝也詩曰問我
諸姑遂及伯姊君子曰禮謂其姊親而先姑也仲
尼曰臧文仲其不仁者三不知者三下展禽廢六
關妾織蒲三不仁也作虛器縱逆祀祀爰居三不
知也○國語曰夏父弗忌為宗祭將躋僖公宗有

司曰非昭穆曰我為宗伯明者為昭其次為穆何
常之有有司曰夫宗廟之有昭穆也以次世之長
幼而等胄之親疏也夫祀昭孝也各致齊敬於其
皇祖昭孝之至也故工史書世宗祝書昭穆猶恐
其踰也今將先明而後祖自玄王以及主癸莫若
湯自稷以及王季莫若文武商周之烝也未嘗躋
湯與文武為不踰也魯未若商周而改其嘗無乃
不可乎弗聽遂躋之展禽曰夏父弗忌必有殃夫
宗有司之言順矣僖又未有明焉犯順不祥以逆
訓民亦不祥易神之班亦不祥不明而躋之亦不
祥犯鬼道一犯人道二能無殃乎○公羊子曰

大事者何大禘也大禘者何合祭也其合祭奈何
 毀廟之主陳于太祖未毀廟之主皆升合食于大
 祖五年而再殷祭躋者何升也何言乎升僖公譏
 逆祀也其逆祀奈何先禰而後祖也○穀梁傳曰
 大事者何大是事也著禘嘗禘祭者毀廟之主陳
 于太祖未毀廟之主皆升合祭于太祖躋升也先
 親而後祖也逆祀也逆祀則是無昭穆也無昭穆
 則是無祖也無祖則無天也故曰文無天無天者
 是無天而行也君子不以親親害尊尊此春秋之
 義也○僖公八年秋七月禘于大廟用致天人也
 左氏傳曰禘而致衰姜焉非禮也凡夫人不薨于

殿不列于廟不赴于同不附于姑則弗致也○定
 公八年冬十月順祀先公而祈焉辛卯禘于僖公
 氏春秋左公羊子曰從祀先公從祀者何順祀也文
 公逆祀去者三人定公順祀者五人穀梁子曰
 貴復正也左氏傳通論○衛孔悝出奔宋使貳車
 反禘於西園春秋左○桓公二年三月公會齊侯
 陳侯鄭伯于稷以成宋亂夏四月取郟大鼎于宋
 戊申納于大廟非禮也臧哀伯諫曰君人者將昭
 德塞違以臨照百官猶懼或失之故昭令德以示
 子孫是以清廟茅屋大路越席大羹不致粢食不
 鑿昭其儉也衮冕黻珽帶裳幅舄衡紘紕紕昭其

度也藻率鞞鞞鞞屬游纓昭其數也火龍黼黻昭其文也五色比象昭其物也錫鸞和鈴昭其聲也三辰旂旗昭其明也夫德儉而有度登降有數文物以紀之聲明以發之以照臨百官百官於是乎戒懼而不敢易紀律今滅德立違而寘其賂器於大廟以明示百官百官象之其又何誅焉國家之敗由官邪也官之失德寵賂章也郛鼎在廟章孰甚焉武王克商遷九鼎于雒邑義士猶或非之而况將昭違亂之賂器於大廟其若之何公不聽春秋左氏穀梁子曰祠內弑其君外成人之亂受賂以事其祖非禮也其道以周公為弗受也郛

鼎者部之所為也曰宋取之宋也以其為討也孔子曰名從主人物從中國故曰郛大鼎也襄公六年齊侯滅萊獻萊宗器于襄宮春秋左氏傳自天子達於庶人喪從死者祭從生者支子不祭諸侯不敢祖天子大夫不敢祖諸侯祭不得入乎宗廟穀梁傳

右祭主○傳武王末受命周公成文武之德追王大王王季上祀先公以天子之禮斯禮也達乎諸侯大夫及士庶人父為大夫子為士葬以大夫祭以士父為士子為大夫葬以士祭以大夫期之喪達乎大夫三年之喪達乎天子父母之喪無貴賤

一也。觴。○父為士子為天子諸侯則祭以天子諸侯其尸服以士服父為天子諸侯子為士祭以士其尸服以士服。喪服小記○支子不祭祭必告于宗子。曲禮○庶子不祭祖。○庶子不祭禴。○庶子不祭殤與無後者殤與無後者祖從禴食。○庶子若富則具二牲獻其賢者於宗子夫婦皆齊而宗敬焉終事而后敢私祭。內○曾子問曰宗子為士庶子為大夫其祭也如之何。孔子曰以上牲祭於宗子之家祝曰孝子某為介子某為其常事若宗子有罪居于他國庶子為大夫其祭也祝曰孝子某使介子某執其常事攝主不厭祭不旅不假不綏

祭不配布奠於賓賓奠而不舉不歸肉其辭

曰宗兄宗弟宗子在他國使某辭。○曾子問

曰宗子去在他國庶子無爵而居者可以祭乎。孔

子曰祭哉。請問其祭如之何。孔子曰望墓而為壇

以時祭若宗子死告於墓而后祭於家宗子死稱

名不言孝身沒而已子游之徒有庶子祭者以此

若義也。今之祭者不首其義故誣於祭也。贈子○

大宗伯之職掌建邦之天神人鬼地示之禮以佐王

建保邦國以吉禮事邦國之鬼神示滌以肆獻裸享先

王以饋食享先王以祠春享先王以禴夏享先王以

嘗秋享先王以烝冬享先王。諸○天子諸侯宗廟之

祭春日禘夏曰禘秋曰嘗冬曰烝絜○始殺而嘗閉
螯而烝螯○古者先王日祭月享時類歲祀諸
侯會日卿大夫舍月士庶人舍時類○太宗伯享
大鬼帥執事而卜日○太宰享先王前期十日帥執
事而卜日

右時日○傳春祭曰祠夏祭曰禴秋祭曰嘗冬祭
曰烝春薦韭卯夏薦麥魚秋薦黍豚冬薦稻薦三
歲一禘五年一禘禘者合也禘者諦也禘者大合
祭於祖廟也禘者諦其德而差優劣也禘○公
羊子曰大禘者何合祭也其禘祭奈何毀廟之主
陳于太祖未毀廟之主皆升合食于太祖五年而

再殷祭○桓公八年正月己卯烝穀梁子曰

事也春與之志不時也夏五月丁丑烝冬事也

春與與之黷祀也志不敬也○公羊子曰春曰祠

夏曰禴秋曰嘗冬曰烝常事不書此何以書譏亟

也亟則黷黷則不敬君子之祭也敬而不黷疎則

怠怠則忘士不及茲四者則冬不裘夏不葛○閔

公二年夏五月乙酉吉禘于莊公左氏曰速也○

穀梁子曰吉禘者不吉者也喪事未畢而舉吉祭

故非之也○公羊子曰言吉者未可以吉也曷為

未可以吉未三年也三年矣曷為謂之未三年三

年之喪實以二十五月其言于莊公何未可以稱

宮廟也曷為未可以稱宮廟在三年之中矣吉禘

于莊公何以書譏始不三年也春秋左氏傳通入穀梁○

襄公十五年冬十有一月晉侯周卒十六年春正

月葬晉悼公平公即位改服脩官烝于曲沃冬穆

叔如晉聘且言齊故晉人曰以寡君之未禘祀不

然不敢忘春秋左氏傳○昭公元年十二月晉既烝趙

孟適南陽將會孟子餘甲辰朔烝于温春秋左氏傳○

孟獻子曰正月日至可以有事於上帝七月日至

可以有事於祖七月而禘獻子為之也

大宰掌春官之誓戒前期十日帥執事而卜日遂戒

既○世婦掌女宮之宿戒禮○及時將祭君子乃齊

齊七日致齊三日繇○致齊於內散齊於外

日思其居處思其笑語思其志意思其所樂思其所

嗜齊三日乃見其所為齊者禮○先期旬有一日官

宰宿夫人夫人亦散齊七日致齊三日君致齊於外

夫人致齊於內禮

右齊戒

大宗伯享大鬼宿眠滌濯滌玉鬯省牲鑊奉玉盥禮

○太宰享先王則掌百官之誓戒與其具脩及執事

眠滌濯禮○世婦及祭祀比其具帥六宮之人共盥

盛禮○寺人若有祭祀之事則帥女官而致於有司

既禮○世婦掌祭祀之事帥女官而濯概為盥盛及祭

之日涖陳女宮之具凡內羞之物同○女御凡祭祀贊世婦同○寺人佐世婦治禮事同○闈人大祭祀之事設門燎躡宮門廟門同○宮正凡邦之事躡宮中廟中則執燭同○內豎若有祭祀之事則為內人躡同○天府凡吉凶之事祖廟之中沃盥執燭同右具脩

司服掌王之吉凶衣服辨其名物與其用事享先王則掌冕享先公則驚冕○追師掌王后之首服為副編次追衡筭為九嬪及外內命婦之首服以待祭祀天○內司服掌王后之六服禕衣揄狄闕狄鞠衣展衣緣衣素沙辨外內命婦之服鞠衣展衣緣衣素沙

凡祭祀其后之衣服及九嬪世婦凡命婦共其衣服同○王后禕衣夫人揄狄君命屈狄再命禕衣一命禮衣士祿衣唯世婦命於奠齋其他則皆從男子同右祭服

小史大祭祀讀禮灋史以書序昭穆之俎盥請○司凡筮王設莞筵紛純加緹席畫純加次席黼純左右玉几祀先王昨席亦如之諸侯祭祀席蒲筵績純加莞席紛純右雕几昨席莞筵紛純加緹席畫純凡吉事變几凶事仍几同○天府凡國之玉鎮大寶器藏焉若有大祭則出而陳之既事藏之同○典庸器祭祀帥其屬而設筭虞陳庸器同○肆師展器陳告備

同

右陳設○記鋪筵設同几繇○鬼神之祭單席禮

○廟堂之上壘尊在阼犧尊在西廟堂之下縣鼓

在西應鼓在東禮○玄酒在室醴醑在戶染醑在

堂澄酒在下禮

君夫人會於大廟君純冕立於阼夫人副褱立於東

房君執圭瓚禮戶大宗執璋瓚亞裸繇○玉人裸圭

尺有二寸有瓚以祀廟禮○典瑞裸圭有瓚以肆先

王禮○司尊彝掌六豆六彝之位詔其酌辨其用與

其實春祠夏禴裸用雞彝鳥彝皆有舟其朝踐用兩

獻尊其再獻用兩象尊皆有壘諸臣之所昨也秋嘗

冬烝裸用兩彝黃彝皆有舟其朝獻用兩著尊其清

獻用兩壘尊皆有壘諸臣之所昨也凡四時之問

追享朝享裸用虎彝雉彝皆有舟其朝踐用兩大尊

其再獻用兩山尊以日有壘諸臣之所昨也凡六彝六

尊之酌鬱齊獻酌醴齊縮酌盎齊洗酌凡酒修酌請

○小宗伯辨六彝之名物以待果將禮○鬯人掌其

秬鬯而飾之廟用修凡裸事用概禮○鬱人掌裸器

凡祭祀之裸事和鬱鬯以實彝而陳之凡裸玉濯之

陳之以贊裸事詔裸將之儀與其節凡裸事沃盥禮

○肆師及果築鬯禮○小宰凡祭祀贊裸將之事禮

○小宗伯凡祭祀以時將瓚果禮○內宰大祭祀后

裸則贊瑤爵亦如之既○諸侯賜圭瓚然後為鬯
未賜圭瓚則資鬯於天子制

右初獻○記祭之屬莫重於裸綴○王度記曰天

子鬯諸侯薰大夫芑蘭士兼庶人艾秬者黑黍一

稔二米鬯者以百草之香鬱金合而釀之成為鬯

陽達於墻屋入于淵泉所以灌地降神也玉瓚者

器名也所以灌鬯之器也以圭飾其柄灌鬯貴王

器也通○諸侯之有德者三命以秬鬯○不得

賜鬯者資於天子然後祭尚○有虞氏之祭也

尚用氣血腥爛殷人尚聲臭味未成滌滂其聲樂

三闕然後出迎牲周人尚臭灌用鬯臭鬱合鬯灌

以圭璋既灌然後迎牲蕭合末既奠然後燂蕭

合羶特○成王以周公為有勳勞於天下命

魯公世世紀周公以天子之禮樂是以魯君季夏

六月以禘禮祀周公於太廟牲用白牡尊用犧象

山罍鬱尊用黃目灌用玉瓚大圭薦用玉豆雕篋

爵用玉琖仍雕加以璧散璧角俎用琄簋升歌清

廟下管象未于玉戚冕而舞大武皮弁素積湯而

舞大夏昧東夷之樂也任南蠻之樂也納夷蠻之

樂於太廟言廣魯於天下也明堂○子曰禘自既

灌而往者吾不欲觀之矣或問禘之說子曰不知

也知其說者之於天下也其如示諸斯手指其掌

八 廟慶舍泄事麻嬰為尸慶集為上獻春秋左

祭之日君牽牲穆答君卿大夫序從既入廟門麗于

碑卿大夫袒而毛牛尚耳鸞刀以剗取腓骨乃退爛

宗婦執盞從夫人薦洗水君執鸞刀羞齊夫人薦豆

以俛無加以鬱鬯以報鬼祭黍稷加肺祭齊

燔燎節是以蕭光以報氣薦黍稷羞肝肺首心見

以俛無加以鬱鬯以報鬼祭黍稷加肺祭齊

以俛無加以鬱鬯以報鬼祭黍稷加肺祭齊

以俛無加以鬱鬯以報鬼祭黍稷加肺祭齊

以俛無加以鬱鬯以報鬼祭黍稷加肺祭齊

鄉○廟堂之上罍尊在阼犧尊在西廟堂之下

在西應鼓在東君在阼夫人在房君西酌犧象夫人

東酌罍尊禮交動乎上樂交應乎下禮○貴者獻以

爵賤者獻以散尊者舉觶卑者舉角禮○玄酒在室

醴醎在戶染醑在堂澄酒在下陳其犧牲備其鼎俎

列其琴瑟管磬鐘鼓脩其祝嘏以降上神與其先祖

作其祝號玄酒以祭薦其血毛腥其俎孰其箝與其

越席疏布以冪衣其澣帛醴醎以獻薦其蟠炙君與

夫人交獻以嘉魂魄是謂合莫然後退而合亨體其

犬豕牛羊實其簠簋豆鉶羹祝以孝告嘏以慈告

是謂大祥禮○納牲詔於庭血毛詔於室羹定詔於

堂三詔皆不同位設祭於堂為祊乎外禮○詔祝於室坐尸於堂用牲於庭升首於室直祭禋于主索祭祝于祊特○大祝凡肆享則執明水火而號祝隋釁逆牲逆尸令鐘鼓若亦如之來瞽令臯舞相尸體○大宗伯涖玉鬯奉玉盞詔大號治其大禮詔相王之禮凡大祭祀王后不與則攝而薦豆籩徹春○大宰及納亨贊王牲事贊玉凡玉爵天○大司徒享先王奉牛牲羞其肆○內饗凡宗廟之祭祀掌割享之事天○太司馬大祭祀羞牲魚授其祭頤○九嬪凡祭祀贊玉盞贊后薦徹豆籩天○外宗掌宗廟之祭祀佐王后薦玉豆天○豆籩及以樂徹亦如之王后

以春則贊凡王后之獻亦如之王后不與春宗伯小祭祀掌事亦如之春○內宗掌宗廟之祭祀薦加豆籩王后有事則從諸○內宰大祭祀后祼獻則贊瑤爵亦如之正后之服位而詔其禮樂之儀贊九嬪之禮事天○內小臣若有祭祀則擯詔后之禮事相九嬪之禮事正內人之禮事天○世婦詔玉后之禮事相外內宗之禮事諸○公族其在宗廟之中則如外朝之位宗人授事以爵以官其登餼獻受爵則以上嗣世狂

右餘獻○記君卷冕立于阼夫人副褱立于房中君肉袒迎牲于門夫人薦豆籩卿大夫贊君命婦

贊夫人各揚其職百官廢職服大刑明堂君親率

牲大夫贊幣而從君親制祭夫人薦盞君親割

牲夫人薦酒卿大夫從君命婦從夫人器○祭有

昭穆有事於大廟則羣昭羣穆咸在而不失其倫

則內○女子觀於祭祀納酒漿籩豆俎醢禮相助奠

及入舞君親干戚就舞位君為東上冕而摠干率其

羣臣以樂皇尸終○大司樂奏夷則歌小呂舞大濩

以享先妣奏無射歌夾鍾舞大武以享先祖譜○鼓

人以路鼓鼓鬼享地○大司樂黃鍾為宮大呂為角

族為徵應鍾為羽路鼓路鼓陰竹之管龍門之琴

瑟九德之歌九磬之舞於宗廟之中奏之若樂九

則人鬼可得而禮矣譜○夏擊鳴球搏拊琴瑟以詠

祖考來格虞賓在位羣后德讓下管鼓鼓合止祝歌

笙鏞以間鳥獸蹌蹌蕭韶九成鳳凰來儀書益

右樂舞○得聲莫重於并歌舞莫重於武宿夜

○尚書大傳曰古者帝王并歌清廟大琴練絃達

越大琴未絃達越以韋為鼓謂之搏拊何以也君

子有大人聲不以鍾鼓芋瑟之聲亂人聲清廟并

歌者歌先人之功烈德澤也故欲其清也其歌之

呼也曰於穆清廟於者歎之也穆者敬之也清者

欲其在位者徧聞之也故周公并歌文王之功烈

德澤苟在廟中見文王者愀然如見文王故書曰
 搏拊琴瑟以詠祖考來假此之謂也○尚書大傳
 口諸侯有德者一命以車服弓矢再命以虎賁三
 百人三命以秬鬯諸侯三命者皆受天子之樂以
 祀其宗廟所以褒有功而章有德之義也未命者
 不得用天子之樂祀其宗廟○魯隱公五年考仲
 子之宮將萬焉公問羽數於眾仲對曰天子用八
 諸侯用六大夫四士二夫舞所以節八音而行八
 風故自八以下公從之於是初獻六羽始用六佾
 也春秋左氏傳○公羊子曰譏始僭諸公也六羽之為
 僭柰何天子八佾諸公六諸侯四○尸子曰舞夏

天子至諸侯皆用八佾初獻六羽始屬樂矣穀梁
 ○二家者以雍徹子曰相維辟公天子穆穆奚取
 於三家之堂論語
 祭之日一獻君降立于阼階之南南鄉所命北面史
 由君右執策命之再拜稽首受書以歸而舍奠于其

廟祭

右因祭策命○傳王在新邑烝祭歲文王駢牛一
 武王駢牛一王命作冊逸祝冊惟告周公其後王
 賓殺禋咸格王入太室裸王命周公後作冊逸誥
 尸酢夫人執柄夫人受尸執足縵○膳夫凡王祭祀
 則徹王之胾俎既○內小臣徹后之俎上同

右尸酢

夫婦相授受不相襲處酢必易爵祭

右致爵

尸飲五君洗玉爵獻卿尸飲七以瑤爵獻大夫尸飲九以散爵獻士及羣有司皆以齒祭○凡賜爵昭為一穆為一昭與昭齒穆與穆齒凡羣有司皆以齒祭○司士凡祭祀及賜爵呼昭穆而進之饋○凡為俎者以骨為主殷人貴髀周人貴肩凡前嘗於後貴者取貴骨賤者取賤骨貴者不重賤者不虛祭右獻酬賜俎○傳曾子問曰祭如之何則不行旅酬之事矣孔子曰聞之小祥者主人練祭而不旅

奠酬於賓賓弗舉禮也昔者魯昭公練而舉酬行旅非禮也孝公大祥奠弗舉亦非禮也贈子○

因其酒肉聚其宗族以飲之也

尸設君與卿四人設士二人設大夫六人設大夫起士八

人設士起各執其具以出陳于堂下百官進徹之

其登餼受爵則以上嗣世也

右餼

大祝既祭令徹饔○九嬖替后徹豆籩天○外宗佐

王后薦玉豆盃豆籩及以樂徹亦如之饔○內宗及

以樂徹則佐傳豆籩上○大宗伯凡大祭祀王后不

與則攝而徹

與則攝而徹

右徹

索祭祝于祊却持○祝祭于祊祀事孔明詩楚○設

祭于堂為祊乎外禮○君牽牲夫人奠盎君獻尸夫

人薦豆卿大夫相君命婦相夫人饔

君祊○記閔謂之門繹又祭也夏曰復昨商曰彤

周日繹彌○傳詔祝於室坐尸於堂用牲於庭升

首於室直祭祝于主索祭祝于祊不知神之所在

於彼乎於此乎或諸遠人乎祭于祊尚曰求諸遠

者與祊之為言倥也鄉特○設祭于堂為祊乎外

故曰於彼乎於此乎禮○詔祝於室而出于祊此

交神明之道也繹○宣公八年六月辛巳有事于

大廟仲遂卒于垂壬午猶繹○穀梁子曰繹者祭

之旦日之享賓也○公羊子曰繹者何祭之明日

也○詩曰明發不寐有懷二人文王之詩也祭之

明日明發不寐饗而致之又從而思之繹○衛莊

公改舊制變宗廟易朝市高子宰問於孔子曰周

禮繹祭於祊祊在廟門之西前朝而後市今衛君

更之如之何孔子曰繹之於庫門內祊之於東方

市朝於西方失之矣家語曲禮

獻人春獻王鮪天○仲春天子乃鮮羔開冰先薦寢

廟○季春天子始乘舟薦鮪于寢廟○孟夏天子乃

以彘嘗麥先薦寢廟○仲夏天子乃以雛嘗黍羞以

含桃先薦寢廟○孟秋農乃登穀天子嘗新先薦寢廟○仲秋以犬嘗麻先薦寢廟○季秋天子乃以犬嘗稻先薦寢廟○季冬天子乃嘗魚先薦寢廟○右薦新○記未嘗不食新穀○四之日其蚤獻羔祭韭

大史正歲年以序事頒之于官府及都鄙頒吉朔于邦國春○天子玄端聽朔於南門之外閏月則闔門左扉立于其中諸侯皮弁以聽朔於太廟灋

右告朔○傳季康子朝服以緇曾子問於孔子曰禮乎孔子曰諸侯皮弁以告朔然後服之以視朝若此禮者也家○文公六年閏月不告月猶朝于

廟左氏曰閏月不告朔非禮也閏以正時時以作事事以厚生生民之道於是乎在矣不告閏朔亦時政也何以爲民○穀梁子曰不告月者不告朔也不告朔則何爲不言朔也閏月者附月之餘日也積分而成於月者也天子不以告朔而喪事不數也猶之爲言可以已也○公羊子曰曷爲不告朔天無是月也閏月矣何以謂之天無是月非常月也猶者何通可以已也○文公十六年夏五月公四不視朔○左氏曰疾也○穀梁子曰天子告朔于諸侯諸侯受乎禰廟禮也公四不視朔公不臣也以公爲厭政以甚矣○公羊子曰公曷爲四

不視朔公有疾也何言乎公有疾不視朔自是公
無疾不視朔也然則曷為不言公無疾不視朔有
疾猶可言也無疾不可言也○襄公二十九年春
王正月公在楚釋不朝正于廟也春秋左○子貢
欲去告朔之餼羊子曰賜也爾愛其羊我愛其禮

論語

儀禮經傳續卷第二十五

聖